

457/22-385

BOSNA I HERCEGOVINA
FEDERACIJA BiH
ZENIČKO-DOBOJSKI KANTON
GRAD ZENICA

Služba za socijalnu zaštitu, stambene poslove i društvene djelatnosti

Broj: 07-45-12526/22
Zenica: 09.06.2022. godine

STRUČNA SLUŽBA GRADSKOG VIJEĆA

PREDMET: Stav Službe, Izvještaj o radu JU "Apoteka „Zdravlje““ za 2021.godinu,
- dostavlja se

Javna ustanova Apoteka „Zdravlje“ Zenica organizovana je na osnovu Odluke o organizovanju Javne ustanove Apoteka „Zdravlje“ Zenica („Službene novine Općine Zenica“, br.:4/98), a koju je donijelo Vijeće Općine Zenica u skladu sa Zakonom.

JU Apoteka „Zdravlje“ Zenica djeluje u kompleksnim uslovima specifičnosti pružanja zdravstvene usluge farmaceuta, gdje nastoji zadovoljiti potrebe pacijenata i korisnika usluga sa jedne strane, te osnivača s druge strane.

JU Apoteka „Zdravlje“ Zenica osim što pruža kvalitetnu farmaceutsku uslugu u urbanom području, tako što je ostvaruje kroz rad osam apoteka, isto tako pruža usluge i u ruralnim područjima kroz rad četiri depoa. Time je usluga farmaceuta značajno približena specifičnim potrebama stanovnika ruralnih područja, a što na još jedan način određuje društveno-odgovornu karakternu liniju Ustanove. Javna Ustanova Apoteka Zdravlje Zenica je ugovorna apoteka, odnosno pripada integralnom informacionom sistemu Zavoda zdravstvenog osiguranja Zeničko-dobojskog kantona. Promet lijekova sa esencijalne liste se provodi kroz aplikaciju e-Apoteka, kroz koju se vrši i obračun kao osnov za fakturisanje prema Zavodu. Magistri farmacije, kao ovlaštena lica za izdavanje lijekova na recept, imaju korisničke račune u aplikaciji, a kompletna razmjena podataka između ljekara, farmaceuta i Zavoda se odvija putem aplikacije e-Apoteka.

U sklopu apoteke Mr. Weiss, nalazi se i laboratorij koji omogućava izradu magistralnih pripravaka prema važećoj Farmakopeji, Formulama magistralis ili po receptu doktora.

Izvještaj o radu JU Apoteka „Zdravlje“ Zenica za period 01.01. do 31.12.2021. godine, urađen je na bazi podataka i pokazatelja i oslikava stanje u ovoj Ustanovi s aspekta njenog rada i poslovanja. Izvještaj je urađen po standardima i metodološki zadovoljava kriterije u ovoj oblasti.

Uslovi poslovanja Apoteke i uslovi snabdijevanja stanovništva lijekovima, u ključnim faktorima koji to određuju su izvan uticaja ove ustanove, a navedeni su u ovom Izvještaju, kao i u izvještajima prethodnih godina.

Galenski laboratorij kao strukturni, organizacioni dio JU Apoteka Zdravlje Zenica ima značajnu ulogu u radu i poslovanju JU Apoteka Zdravlje Zenica. Ukupno ostvareni pihod galenskih i magistralnih pripravaka prema vlastitim apotekama i vanjskim komitentima u 2020. godini iznosio je 329.609 KM dok je u 2021. ostvaren prihod u iznosu 321.052 KM, što pokazuje da je u 2021. evidentan pad ukupnog prometa Galenskog laboratorija cca 2,5%. Otežavajuće okolnosti prometa preparata Galenskog laboratorija su i zakonski okviri koji nalažu registraciju proizvoda kod Agencije za lijekove i medicinska sredstva, što dodatno finansijski opterećuje Ustanovu.

Javna ustanova Apoteka „Zdravlje“ Zenica u svojim finansijskim izvještajima za 2021. godinu iskazala je slijedeće vrijednosti:

- ukupan prihod za 2021. godinu 6.239.243 KM
- prosječna vrijednost poslovne imovine (aktive) 3.207.426 KM
- prosječan broj zaposlenih 49


Na osnovu navedenog, Ustanova se svrstava u grupu malih pravnih lica.

Ukupno ostvareni prihodi u 2021. godini iznose 6.239.243 KM, prikazano u tabeli 1. Izvještaja.


Ukupno ostvareni rashodi u 2021. godini iznose 6.284.198 KM, prikazano u tabeli 2. Izvještaja.

Ukoliko posmatramo ostvarene prihode u 2021. godini u odnosu na prihode u 2020. godini, vidljivo je da su 2021. ostvareni prihodi za 99.038 KM (1,61 %) veći u odnosu na prethodnu godinu.

Grafički prikaz ostvarenih prihoda u 2021. i 2020. godini



Grafički prikaz ostvarenih rashoda u 2021. i 2020. godini.



Na osnovu ostvarenih prihoda u 2021. godini (6.239.243 KM) i rashoda (6.284.198 KM), u izvještajnom periodu iskazan je gubitak u iznosu od 44.955 KM.

Zavisni troškovi funkcionisanja Ustanove i u 2021. godini svedeni su na minimum.

U 2021. godini evidentirano je smanjenje obaveza i potraživanja, koje i dalje ukazuje na probleme u likvidnosti.

U protekloj godini u Ustanovi je bilo 45 zaposlenih, od čega 23 VSS, 19 SSS, 3 NS.

Nakon provedene konkursne procedure, Upravni odbor je 25.02.2022. godine imenovao

Mirsadu Strika za direktoricu JU Apoteke "Zdravlje", a sve na osnovu saglasnosti

Gradonačelnika Grada Zenica broj: 02-45-3667/22 od dana 22.02.2022. godine.

Menadžment je zajedno sa Upravnim odborom uspio smanjiti zatečene zalihe roba apotekama, zajedno sa svim uposlenicima stavljen je veliki fokus na prodaju lijekova koji su se nalazili na lageru, a smanjena narudžba lijekova koji nisu potrebni, te su vršeni stalni pregovori sa dobavljačima s obzirom na velike dugove koji su nastali prema dobavljačima.

Upravni odbor je ocijenio da je direktorica Ustanove uspješno rukovodila radom Ustanove u 2021. godini i shodno tome joj dao pozitivnu ocjenu.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU Apoteka „Zdravlje“ Zenica za 2020. godinu na razmatranje i usvajanje.

PRILOZI:

1. Izvještaj o radu JU Apoteka „Zdravlje“ Zenica za 2021.godinu
2. Odluka Upravnog odbora o usvajanju Izvještaja o radu za 2021. godinu
3. Odluka o usvajanju finansijskog izvještaja za 2021. godinu
4. Izvještaj nezavisnog revizora za 2021. godinu

DOSTAVLJENO:

1 x Naslov

1 x a/a

Šef Odsjeka za društvene djelatnosti
Z.I.



Pomoćnik Gradonačelnika
Sumea Mujkanović